



МЕСЯЦА СЕНТЯБРЯ В 15-й ДЕНЬ

Святаго великомученика Никиты

ВЕЧЕР

На Господи, воззвах: стихиры праздника и святаго на 6.

Стихиры Креста, глас 5. Самоподобен:



ра́дуйся, живонóсный Кресте,/ благочестия непобедимая победа,/ дверь райская,/ верных утверждение,/ Церкви ограждение,/ имже тля разорится и упразднится,/ и попрося смертная держава,/ и вознесо́хомся от земли к Небесным;/ ору́жие непобедимое,/ бесов сопротивоборче,/ слава мучеников,/ преподобных яко войстину удобрение,/ пристанище спасения,// даруяй миру велию милость.

Ра́дуйся, Господень Кресте,/ имже разрешися от клятвы челове́чество,/ сущия радости знамение,/ прогоняяй враги во твоём воздвигении, всечестне,/ нам помощниче, царей держава,/ крепость праведных,/ священников благолепие,/ воображаемый, и лютых избавляяй,/ жезл силы, имже пасемся,/ ору́жие мира, егоже со страхом обстоят Ангели,/ Христа Божественная слава,// подающаго миру велию милость.

Ра́дуйся, слепых наставниче,/ немощных врачу,/ воскресение всех умерших,/ воздвигнувый ны, во тлю падшия,/ Кресте честный,/ имже разрушися клятва, и процветет нетление,/ и земнии обожихомся,/ и диавол всеконечно низвержеся./ Днесь воздвизаема ты видяще руками архиерейскими,/ возносим Вознесеннаго посреде тебе/ и тебе поклоняемся,// почерпающе богато велию милость.

Ины стихиры святаго, глас 1.

Подобен: Небесных чинов:

Благочестивым всеоружием одеваясь,/ поборник
явился еси Христа Всецаря,/ Никито страстотерпче,/
якоже древле Гедеон всекрепкий,/ иноплеменных
полки низложив// доблественным твоим дерзновением.

Иноплеменного, мучениче, поратовал еси/ всесиль-
ною верою Спасовою, богомудре,/ претерпевый стра-
сти./ Тем мудре варвары обратил еси/ ко Творцу и
Владыце всех,// и славят Его благочестиво.

Начатки, мучениче, от варвар Христу славу прине-
сый,/ явился еси страдалец богоглаголивый,/ и, умер
за Троицу,/ тем явственно и венец восприял еси,/ и, яко
светило, сияеши боголепно// в мире, достославне.

Слава, святаго, глас 6. Феофаново:

Светильника мучеников тя познахом,/ Никито,
Христов страдальче:/ ты бо, сущаго на земли достоин-
ства славу оставив/ и отеческое безбожие возненави-
дев,/ боги их сокрушил еси/ и победительно варвары
посрамил еси,/ за Христа мученичество исповедания
исполнил еси/ и воин Небеснаго Бога был еси./ О нас
молися Благодетелю всех,// еже ущедрити и спасти
души наша.

И ныне, праздника, глас тойже:

Пророков гласи/ Древо святое предвозвестиша,/
имже древняя свободися клятвы смертныя Адам,/ тварь
же, днесь возносиму тому, совозвышает глас,/ от Бога
просящи богатыя милости;/ но, Единый в благоутробии
безмерный, Владыко,/ очищение буди нам// и спаси
души наша.

**Вход, прокимен, глас 7: Бог наш на Небеси и на
земли,// вся, елика восхотел, сотвори.**

**Стих: Во исходе Израилеве от Египта, дому Иаковля,
из людей варвар, бысть Иудея святыня его.**

**Стих: Море виде и побеже, Иордан возвратися
вспять.**

**Стих: Что ти есть, море, яко побегло еси? И тебе,
Иордане, яко возвратился еси вспять?**

Таже ектения: Рцем вси:

Аще ли прилучится суббота, поём прокімен дне. Господь воцаряся: А великий прокімен поём в навечерии праздника.

На стиховне стихіры, глас 6.

Подобен: Все отложше:

Крест, воздвигаемь, / на нем Вознесеннаго Страсть пречистую / пети повелевает твари всей. / На том бо убив нас убившаго, / умерщвленныя оживил есть, / и удобри, и на Небесех жити сподоби, яко Милосерд, / премножеством благодости. / Тем, радуящися, вознесем имя Его // и Того возвеличим крайнее снисхождение.

Стих: Возносите Господа Бога нашего // и поклоняйтесь подножию ногу Его, яко свято есть.

Моисей предобразил тя, / руки простер на высоту, / и побеждалше Амалика мучителя, / Кресте честный, / верных похвалю, / страдальцев утверждение, / апостолов удобрение, / праведных поборниче, / всех преподобных спасителю. / Тем, ты воздвигаема зрящи, тварь веселится / и торжествует, славящи Христа, // тобою разстоящая собравшаго крайнюю благодостию.

Стих: Бог же, Царь наш прежде века, // содела спасение посреде земли.

Кресте пречестный, / егоже обстоит чини ангельстии, веселящися, / днесь воздвигаемь, / Божественным мановением возносиши вся / окрадением снеди отгнанныя / и в смерть поплзшиися. / Темже ты сердца и устнами, вернии, лобызающе, / священние почерпаем, / возносите, вопиюще, Христа, Преблагаго Бога, // и Того поклоняйтесь Божественному подножию.

Слава, святаго, глас 8:

Победы тезоименит показался еси, / мучениче всечестне Никито, / в подвиге проповедав Христа Бога нашего, / и пред царя и мучители Того исповедал еси. / Тем не престай моляся о мире мира, и христолюбивых царех, / и о всех память твою совершающих верно / Единому Человеколюбцу, // избавити всякаго гнева.

И ныне, глас тойже:

Глас пророка Твоего Моисея, Боже, / исполнися, глаголай: / узрите Живот ваш висящ пред очесы вашими. / Днесь Крест воздвигается, / и мир от лести

свобождается,/ днесь Христо́во Воскресе́ние обновля-
ется,/ и концы́ земли́ ра́дуются,/ в кимва́лех дави́дски
песнь Тебе́ приносяще и глаголюще:/ соде́лал еси́ спасе́-
ние посреде́ земли́, Бо́же,/ Крест и Воскресе́ние,/ ихже
ра́ди нас спасл еси́, Бла́же и Человеколю́бче, // Всеси́льне
Го́споди, сла́ва Тебе́.

Тропа́рь, глас 4:

Мученик Твой, Го́споди, Ники́та/ во страда́нии
своём венецъ при́ят нетле́нный от Тебе́, Бо́га на́-
шего:/ имейя́ бо кре́пость Твою́,/ мучи́телей низложи́,/
сокруши́ и де́монов немощны́я дерзости./ Того́ моли́т-
вами // спаси́ ду́ши на́ша.

Или́ сей, глас то́йже:

Крест Христо́в, я́ко некое ору́жие, усер́дно вос-
при́йм,/ и к борению́ враго́в прите́кл еси́,/ и, за
Христа́ пострада́в,/ последи́ огнёмъ свяще́нную твою́
ду́шу Го́споду пре́дал еси́,/ отону́дуже и даро́в исцеле́-
ния/ от Него́ сподо́бился еси́ при́яти,/ великомучени́че
Ники́то./ Моли́ Христа́ Бо́га // спастися́ ду́шам на́шим.

Сла́ва, и ны́не, пра́здника: Спаси́, Го́споди, лю́ди Твоя́:

НА УТРАНИ

**На Бог Господь: тропа́рь пра́здника два́жды.
Сла́ва, свята́го. И ны́не, пра́здника.**

По 1-м стихосло́вию седа́лен, глас 2.

Подобен: Благоутро́бия сущи:

**Распéншуся Тебе́, Влады́ко Христé,/ сме́рти держа́ва
и кре́пость разруши́ся,/ и мучи́тельство попрáся все
вра́жие,/ и оживле́ни бы́хом, дре́вле уме́ршии дре́вом
преступле́ния, Дре́вом кре́стным./ Тем поёмъ Стра́сти
Твоя́.**

Сла́ва, и ны́не, то́йже.

По 2-м стихосло́вию седа́лен, глас 3.

Подобен: Красоте́ де́вства:

**Крест и сме́рть пострада́ти изво́лил еси́,/ посреде́
твáри сего́ водрузи́в,/ егда́ благоволи́л еси́, Спа́се, Тело́
Твое́ пригвозди́ти,/ тогда́ и со́лнце лучи́ сокры́;/ сия́ и**

разбойник зря, на Кресте Тя воспе, вопия: / помяни мя, Господи! И прият, веровав, рай.

Слава, и ныне, тойже.

Канон праздника со ирмосом на 6 и святого на 6.

Канон праздника, глас 8.

Песнь 1

Ирмос: *Крест начертав, Моисей / впрямю жезлом Чермное пресечет, / Израилю пешеходящу, / тоже обратнo фараоновым колесницам, / ударив, совокупив, / вопреки написав непобедимое оружие. // Тем Христу поим, Богу нашему, яко прославися.*

Образ древле Моисей пречистыя Страсти в себе самом прообразил, / священным среди стоя: / Крест же вообразив, / простертыми победу дланями воздвиге, / державу погубив Амалика всегубителя. / Тем Христу поим, Богу нашему, яко прославися.

Возложи Моисей на столпе врачество, / тлетвориваго избавление и ядовитаго угрызения, / и древу образом Креста / по земли пресмыкающагося змия привязав, / лукавый в сем обличив вред. / Тем Христу поим, Богу нашему, яко прославися.

Показав небо Креста победу благочестия держателю и царю богомудру, / врагов в немже злосердных низложив свирепство, / лесь же превратився, / и вера распрострется земным концем Божественная. / Тем Христу поим, Богу нашему, яко прославися.

Ин канон святого, егоже краегранесие: **Победы** ты пою тезоименитаго, Никиту. **Творение Феофаново.**
Глас 4.

Песнь 1

Ирмос: *Моря чермную пучину / невлажными стопами / древний пешешествовав Израиль, / крестообразными Моисеевыми руками // Амаликову силу в пустыни победил есть.*

У мертв в плоти моея мудрование, / ум озари просветительною светлостью, / твоё воспети торжество, / яко победитель всеизыщнейш, умоляя, о Никито, Христа.

Яд, от страстей бывший, отложив, / раны претерпел еси крепце / и в ризу честну страдальчески одевался еси, / от твоих кровей истканную.

Нов же и чуден явил еси путь страдания, / за ны на Древе пригвоздився: / начало бо был еси мучеников, Владыко, / исповедания и крепости.

Богородичен: Дверь яже к нам Твоего, Господи, снисшествия, / Восток, и Солнце, и Свет таинственно Ты нарицаем, / преестественно просия, / сугуба естеством, Человеколюбца.

Песнь 3

Ирмос: Жезл во образ тайны приемлетя, / прозябением бо предразсуждает священника, / неплодящей же прежде Церкви, / ныне процветет Древо Креста, // в державу и утверждение.

Яко испустит, ударяемь, воду краесекомый / непокоривым людем и жестосердым, / богозванныя проявляше Церкви таинство, / еяже Крест держава и утверждение.

Ребром пречистым, копием прободенным, / вода с Кровию истечет, / обновляющая Завет и омывательная греха: / верных бо Крест похвала и царей держава и утверждение.

Ин

Ирмос: Веселится о Тебе Церковь Твоя, Христе, зовущи: / Ты моя крепость, Господи, // и прибежище, и утверждение.

Твердостию души мучительская прещения претерпел еси, / мучениче Христов славне, / Божественною силою возмогаемь.

Плоти твоея расточения и удес отсечение претерпев, / мучениче Христов всехвальне, / твою душу приобрел еси.

Веселится о тебе мучеников Христовых собрание, / память твою днесь совершаему видяще.

Богородичен: Марие, чистое девства и честное селение, / лютыя струпы моего сердца исцели.

Кондак, глас 4. Самоподобен:

Вознесыйся на Крест волею, / тезоименитому Твоему новому жительству / щедроты Твоя даруй, Христе Боже, / возвесели нас силою Твоею, / победы дай нам на сопостаты, / посobie имущим Твое оружие мира, // непобедимую победу.

Икос:

Иже до трэтияго Небесэ восхищён бысть в рай/ и глаголы слышав неизреченныя и Божественныя,/ ихже не леть языки (человеческими) глаголати,/ что Галатом пишет, яко рачителие Писаний прочтосте и познасте:/ мне, глаголет, хвалитися да не будет, токмо во едином Кресте Господни,/ на немже, страдав, уби страсти./ Того убо и мы известно держим, Крест Господень, хвалу вси:/ есть бо нам спасительное сие Древо/ оружие мира, непобедимая победа.

Седален святаго, глас 4.**Подобен: Вознесыйся:**

Непобедимъ явився воин, варварския козни победил еси/ и, пострадав, славне, крепчайше полк поратовал еси невидимых врагов,/ тем и диаволу приял еси победы,/ о нас моляся не престаи, блаженне Никито, верою поющих тя.

Слава, и ныне, праздника, глас тойже:

Простер Моисей руке к высоте небесней,/ прообразоваше Креста Божественное оружие верных,/ на немже Христос грехи пригвозди./ Тем и враг плакаше страстно, болезнуня чувства своими, глаголаше:/ деревяное мя копие прободет посреде сердца моего./ Христос вся от адских уз решит.

Песнь 4

Ирмос: Услышах, Господи,/ смотрения Твоего таинство,/ разумех дела Твоя// и прославих Твое Божество.

Горькородныя преложит древом Моисей/ источники в пустыни древле,/ Крестом ко благочестию языков/ проявляя преложение.

Глубине внедривый секущую/ издаде Иордан древу,/ Крестом и крещением/ сечение лести знаменуя.

Священно ополчаются/ четверочастнии людие, предходяще/ образом свидетельства скитии,/ крестообразными чинми прославляеми.

Чудно простираемь,/ солнечныя лучи испущаше Крест,/ и поведаша небеса/ славу Бога нашего.

Ин

Ирмос: Вознесена Ты видевши Церковь на Кресте,/ Солнце праведное,/ ста в чине своем,/ достойно зывающи:// слава силе Твоей, Господи.

Иску́плен Кро́вию Влады́чнею, страда́лец Никита/
свою́ кровь, ра́дуясь, прино́сит Христу́,/ те́мже, за-
кала́емь,/ сла́ва Тебе́, Бо́же мой, вопи́аше.

Разжигáемь рачéнием Влады́чним,/ идо́льский, му́че-
ниче, попра́л еси́ пла́мень/ и всю де́монскую кре́пость,
зови́й Созда́телю:/ сла́ва си́ле Твое́й, Го́споди.

Наслажда́ясь Го́сподним видéнием/ и Того́ свéтло-
стию насыща́ясь,/ му́ченик, стражда́, не ошущáше и,
ра́дуясь, зва́ше:/ сла́ва си́ле Твое́й, Го́споди.

Богорóдичен: Украша́емо разли́чным светолити́ем
не́бо одушевлéнное Твое́,/ Царя́ ца́рствующих, Христе́,/ Дéва Пречи́стая,/ ны́не я́ко Богорóдица сла́вится.

Песнь 5

Ирмо́с: *О* треблаже́нное Дре́во,/ на нёмже распя́ся
Христóс, Царь и Го́сподь,/ и́мже паде́ дре́вом прельсти́вый,
тобо́ю прельсти́вся,/ Бо́гу пригвозди́вшуся
Плóтию, // пода́ющему мир душáм нáшим.

Тебе́, приснопéтое Дре́во, на нёмже простре́ся
Христóс,/ Еде́м храня́щее обраща́ющееся ору́жие,
Кресте́, устыде́ся:/ стра́шный же Херувим уступи́ на
тебе́ пригвожде́нному Христу́,/ пода́ющему мир душáм
нáшим.

Подзе́мных си́лы протivéныя Крестá страшáтся/
начертáема зна́мения на возду́се,/ по нему́же ходят
Небе́сных и земнорóдных рóди,/ колéна преклоня́юще
Христу́,/ пода́ющему мир душáм нáшим.

Заря́ми нетлéнными я́влься Божéственный Крест/
омрачéнным язы́ком, заблужде́нным в прелести́,/ Божé-
ственный свет облиста́в,/ усво́яет на нем пригвожде́н-
ному Христу́,/ пода́ющему мир душáм нáшим.

Ин

Ирмо́с: *Ты, Го́споди, мой Свет,* / в мир пришéл еси́, /
Свет Святы́й, обраща́яй из мра́чна неведéния // véрою
воспева́ющая Тя.

Кто мо́жет изрещи́ твои́х, Никито́, натрижне́ний*,
всехва́льне, венцы́,/ я́же дарова́ тебе́ Христóс,/ за Него́
пострада́вшу?

Му́ченицы, на земли́ пóдвиги сконча́вшие,/ Небе́сное в
высочáйших от Тебе́, Жизнода́вче,/ возда́ние при́яша.

* Натрижне́ний — трудов, подвигов; наград за подвиг.

Ныне сияеши, яко светило, о Никито всехвальне,/ свет вторый бываеши,/ Свету великому славно предстоа.

Богородичен: Свет безлётный нам, подлётен бывш,/ родила еси, Богомати,/ сущим во тьме жития,/ и мир весь просветила еси.

Песнь 6

Ирмос: Воднаго зверя во утробе/ длани Иона крестовидно распростёр,/ спасительную Страсть проображаше яве./ Тем, триднёвен изшед,/ премірное Воскресение прописаше/ Плотию пригвождённого Христа Бога// и триднёвным Воскресением мир просвещшаго.

Старостию преклонився и недугом отягчен, исправися Иаков, рuce пременив,/ действие являя жизнотнаго Креста:/ ибо ветхость законнаго сеновнаго писания новописа на сем Плотию пригвоздивыйся Бог/ и душегубительный недуг лести отгна.

На юныя возложив длани божественный Израиль, крестовидно главы являше,/ яко старейшая слава, законослужители людие./ Темже, подмневся тако испрельститися, не измени жизнотнаго образа:/ превзйдут бо людие Христовы Божии новоутверждённым,/ вопияху, Крестом ограждаеми.

Ин

Ирмос: Пожру Ти со гласом хваления, Господи,/ Церковь вопиет Ти,/ от бесовския крове очыщися/ ради милости от ребр Твоих// истекшею Кровию.

Вожделев доброты Создавшаго, славне,/ и оттуду сияния прием, мучениче,/ вперился еси и, о смерти небрег,/ Тому приступил еси.

Текущих помыслом прием целомудренным,/ неистощимая, мучениче, предчествовав,/ тело твоё мукам, о Никито,/ с веселием, радуясь, предал еси.

Богородичен: Яко яблоко в дубраве единау Тя обрет,/ и чистейший крин,/ и удольный цвет, о Богомати,/ Женних мысленный в Тя вселися.

Кондак святаго, глас 2.

Подобен: Вышних ища:

Прелести посек державу стоянием твоим/ и победы прием венец во страдальчествех твоих,/ со Ангелы, славне, радуешься,/ Никито тезоимените,// с ними Христа Бога моля непрестанно о всех нас.

Икос:

Знание Твое вложив души моей, очисти мой помысл/ и Твоих заповедей делателя, Спасе, покажи,/ да возмогу победить страстей моих разная привостания,/ победительную почесть прием безстрастия,/ молитвами Твоего доблаго страсотерпца Никиты, Человеколюбче:/ ибо сам нас воспомина́ти того́ в памяти его́ созда́,/ моля́ся непреста́нно о всех нас.

Песнь 7

Ирмос: *Безумное веление/ мучителя злочестиваго лю́ди поколеба́,/ дышущее прещение и злохуление богомерзкое;/ обаче три отроки не устращи́ я́рость зверская,/ ни огонь снеда́яй,/ но, противодышущу росоно́ному Ду́ху,/ со огне́м суща, пояху:// препе́тый отце́в и нас Бо́же, благословен еси́.*

От дре́ва вкусив, пер́вый в челове́цах в тление всели́ся:/ отверже́нием бо жи́зни безче́стнейшим осудився,/ все́му ро́ду телотле́нен не́кий я́ко вред недуга преподаде́;/ но, обрётше, земноро́дни, воззва́ние крестным Дре́вом, зове́м:/ препе́тый отце́в и нас Бо́же, благословен еси́.

Разруши́ повеление́ Бо́жие преслуша́ние,/ и дре́во принесе́ смерть челове́ком,/ е́же неблаговре́менно прича́стно б́ввшее;/ во утвержде́ние же зело́ честна́го/ оттуду́ жи́зни дре́во возбраня́емо бе,/ е́же разбойнику злоуме́ршу отве́рзе, благоразуме́нно зову́щу:/ препе́тый отце́в и нас Бо́же, благословен еси́.

Жезла́ объе́млет край Ио́сифова,/ бу́дущая зря, Изра́иль,/ Ца́рствия держа́вное,/ я́ко возы́мществит пресла́вный Крест, проявля́я:/ сей бо царей́ победоно́сная хвала́ и свет ве́рою зову́щим:/ препе́тый отце́в и нас Бо́же, благословен еси́.

Ин

Ирмос: *В пе́щи авра́мстии отро́цы персидстей,/ лю́бовию благоче́стия па́че,/ не́жели пла́менем, опаля́еми, зыва́ху:// благословен еси́ в хра́ме сла́вы Твоея́, Го́споди.*

Ны́не непристу́пною заре́ю осия́емь, му́чениче,/ пою́щия ны́не твой пра́здник све́том твои́м просвети́,/ благословен еси́, Бо́же мой, зовы́й, и Го́споди.

Преудивѣшася твоемú мужеству во́инства а́нгельская, блаженне,/ зряще терпеливно страждуща ты и глаголюща:/ благословен еси́, Бо́же всех и Го́споди.

Богородичен: С вы́шним ликостоянием безплóтный:/ радуйся, Богородице Чистая, Гавриил, веселя́ся, зовя́ше Ти:/ благословенна Ты в жена́х еси́, Всенепоро́чная Влады́чице.

Песнь 8

Ирмос: *Благословите, óтроцы,/ Трóицы равночísленнии,/ Содетеля Отца́ Бо́га,/ пойте снизше́дшее Сло́во,/ и огонь в рóсу претворше́е,/ и превозносите всем жизнь подава́ющаго// Духа Всесвята́го во ве́ки.*

Возвыша́ему Дре́ву,/ окроплéну Кро́вию воплоща́гося Сло́ва Бо́га,/ пойте, Небесныя Сíлы;/ земныхъ воззв́ание прázднующе, лю́дие,/ поклоните́ся Христову́ Кресту́,/ íмже ми́ру востáние во ве́ки.

Земнорóднии, длáньми, строителие благода́ти,/ Крест, на нёмже стоя́ше Христóс Бог, возносите священнолéпно/ и копиé, Бóжия Сло́ва Тéло пробóдшее,/ да видятъ язы́цы вси спасéние Бóжие,/ сла́вяще Егó во ве́ки.

Божéственнымъ судóмъ предызбрáннии, веселíteся,/ христиáнстии вёрнии ца́рие,/ хвалíteся победоно́снымъ ору́жием,/ приёмше от Бо́га Крест честный:/ в сем бо колéна бра́ней, дерзости íщуще,/ разсыпа́ются во ве́ки.

Ин

Ирмос: *Ру́це распротёр, Дани́ил/ львов зия́ния в рóве затче́,/ óгненную же сíлу угаси́ша,/ добродéтелию препоя́савшеся,/ благочéстия рачíteли, óтроцы, взывáюще:// благословите, вся дела́ Господня, Го́спода.*

Всецелу́ жертву и приятну тебе́ сама́го принёсл еси́, мучениче непобедíме,/ и всеплóдие был еси́ благово́нно Влады́це твоемú, распéншемуся нас ра́ди,/ с весéлиемъ вопи́я:/ благословите, вся дела́ Господня, Го́спода.

Закóнне, я́ко божéственный хра́брник, вра́жия полкí низвратíв,/ достóйне прия́л еси́ венéц победы неува́дающий от жизнóсныя Десни́цы,/ Ёйже ны́не предсто́йши, воспева́я:/ благословите, вся дела́ Господня, Го́спода.

Возлюбíл еси́ безмёрно Христá и Тогó Кро́ви твою́ кровь примеси́л еси́,/ и раздробля́емъ ра́нами, и различно убивáемъ./ Емúже и ны́не, я́ко подобник,

сцáрствуеши, вопи́я:/ благослови́те, вся дела́ Господня, Гóспода.

Богорóдичен: Сквѣрну естества́ нашего,/ Христа́ рóждши Единаго Пречыстаго,/ я́ве отмы́ла еси́, Чы́стая, Богорóдице Всенепорóчная,/ и Херув́им и Сераф́им была́ еси́ превы́шше, вопи́ющих:/ благослови́те, вся дела́ Господня, Гóспода.

Песнь 9

Ирмо́с: Та́ин еси́, Богорóдице, рай,/ невозде́ланно возрасти́вший Христа́,/ Имже крѣстное живонóсное на земли́ насади́ся Дре́во;/ тем, ны́не возно́симу, // покланя́ющеся Ему́, Тя велича́ем.

Да возра́дуются древа́ дубра́вная вся, освяти́вшуся естеству́ их,/ от Него́же изначáла насади́шася,/ Христу́ распростѣршуся на Дре́ве;/ тем, ны́не возно́симу, // покланя́ющеся Ему́, Тя велича́ем.

Свяще́нный воста́ рог/ и глава́ всем богому́дрым, Крест,/ имже грѣшных мы́сленно стира́ются рóзи вси;/ тем, ны́не возно́симу, // покланя́ющеся ему́, Тя велича́ем.

Ин

Ирмо́с: Ка́мень неруко́сѣчный/ от несекóмыя горы́, Тебе́, Де́во,/ краеуго́льный отсече́ся,/ Христо́с, совокупы́ый разстоя́щаяся естества́. // Тем, веселя́щеся, Тя, Богорóдице, велича́ем.

Всего́ мене́ сама́го тебе́ приношу́, богоблаже́нне Никíто,/ да обря́щу тя предста́теля ко Влады́це,/ спаса́ти могу́ща от всякаго обстоя́ния,/ и спасѣ́ния Божѣственнаго ходáтая.

Свидѣ́тель и́стинно был еси́ и́стины, страсотѣрпче,/ ипостáсней и честнѣй ны́не И́стине, раду́ясь, предсто́иши,/ по́двигов натри́жнѣния со дерзнове́нием приѣмля.

Ко приста́нищу тѣхому приста́в, почи́ от болѣзней/ и венце́носец лику́еши в рай с мученики Христо́выми./ Тем тя ны́не, я́ко богопросла́вленна, вси досто́йно сла́вим.

Богорóдичен: Зако́нов естѣственных кромѣ Законода́вца ражда́еши,/ Плоть бѣ́вша невращо́но за благоутрóбие неизрече́нное,/ Благослове́нная Чы́стая,/ во двухъ существа́х познава́ема.

Светилен.

Подобен: Жены, услышите:

Ору́жием честна́го Твоего́ Креста́ оградився, / стра-
стотерпец Твой, Сло́ве, / противныя си́лы крѣпко пре-
победи, / и мучители посра́ми, и за Тя пострада́, / и с
Тобо́ю, Христѣ мой, Всецарю́, Никита́ ца́рствует.

Сла́ва, и ны́не, Креста́:

Крестъ возвыша́ется днесъ, и мир освяща́ется, / чини
а́нгельстии пою́т нас ра́ди Распѣншагося, / и торжест-
вуютъ с на́ми, и сра́дуются, да́видски зову́ще: / соде́ла
спасе́ние посреде́ земли, Влады́ко.

На стихо́вне стихи́ры, глас 2.

Подобен: До́ме Евфрафов:

Днесъ Крестъ Христовъ / возвыша́ется, / живонóсное
Дре́во, / на нёмже Плóтию пригвозди́ся, // вся призыва́я.

Стих: Возно́сите Го́спода Бо́га на́шего // и покланя́й-
тесь подно́жию но́гу Егб, я́ко свято́ есть.

Ра́дуйся, ве́рных / хране́ние Божѣственное, / необо-
ри́мая стено́, / Кресте́ Господень, // имже от земли
вознесо́хомся.

Стих: Богъ же, Царь наш пре́жде ве́ка, // соде́ла спасе́-
ние посреде́ земли.

Прииди́те весело́, / целу́ем вси / живонóсное Дре́во, /
на нёмже распро́стрѣся // Христосъ, Избавле́ние.

Сла́ва, свята́го, глас 6:

Днесъ вселѣнная вся / страстотерпца радуется стра-
да́нием, / и Христо́ва Це́рковь, цвѣты украша́ема, /
мучениче Христовъ, вопи́ет ти: / уго́днице Христовъ и
предста́телю тепле́йший, // не преста́й моля́ся о рабѣхъ
твои́х.

И ны́не, глас то́йже:

Днесъ сад жи́зни / от земны́х незаходи́мых недр
происходи́т, / на нем пригвожде́ннаго Христа́ извест-
вуетъ Воскресе́ние / и, воздвиза́емый рука́ми священ-
ническими, / Того́ на Небеса́ возвеща́ет возноше́ние, /
имже на́ше смешѣние, от е́же на зе́млю падѣния, / на
Небесѣхъ жи́тельствоует. / Те́мже благодарственне во-
зопи́ем: / Го́споди, вознеси́йся на нем и тем совознесъ
нас, / Небесны́я Твоея́ ра́дости сподоби, // я́ко Человеко-
любецъ.

НА ЛИТУРГИИ

Блаженны праздника, песнь 1-я, на 4, и святаго, песнь 6-я, на 4. По входе: Спаси ны, Сыне Божий, Плотию распныйся, поющия Ти: аллилуия. Сйце поем и до отдания. Прокимен праздника, и до отдания. И святаго, глас 7: Возвеселится праведник о Господе// и уповает на Него. Стих: Услыши, Боже, глас мой: Апостол к Тимофею, зачало 292. Аллилуия, глас 4: Праведник, яко финикс, процветет: Стих: Насаждени в дому Господни, во дворех Бога нашего. Евангелие от Матфея, зачало 36. Причастен праздника, и до отдания. И святаго: В память вечную будет праведник:

зри Суббота по Воздвижении. Апостол к Коринфяном, зачало 125, от полу. Евангелие от Иоанна, зачало 30.

зри Неделя по Воздвижении. Прокимен праздника. Апостол к Галатом, зачало 203. Евангелие от Марка, зачало 37. Причастен дне и праздника.

зри Подобаает ведати: Аще случится Воздвижение честнаго Креста в субботу: Неделя по Воздвижении: чтется апостол и Евангелие на утрии праздника, в Неделю. В следующую же субботу, во отдание праздника, апостол и Евангелие прежде субботы по Воздвижении и потом ряд.

М Подобаает ведати, аще случится попразднство Воздвижения честнаго Креста в Неделю, а святый поется на 4 или на 6. В субботу на малей вечерни стихиры воскресны, и Богородицы, по обычаю. Тропарь воскресен: Слава, и ныне, Богородичен его.

На велицей вечерни, по обычной кафисме на Господи, возвах: стихиры воскресны 3, и Анатolieва единая, и праздника 3, того дне, и святаго минеи 3. Аще поется святый на 6, или емуже и полиелей, и поем стихиры воскресны 3, и праздника 3, и святаго 4. Слава, святаго. И ныне, Богородичен догматик гласа. На литии стихиры праздника того дне рядовыя, стиховныя. Слава, и ныне, праздника, писан на утрени на стиховне. Аще ли иматъ святый Славу: Слава, святаго. И ныне, праздника. На стиховне стихиры воскресны. Слава, святаго, аще есть. И ныне, праздника. Аще ли ни: Слава, и ныне, праздника. На благословении хлебов тропарь: Богородице, Дево: дважды, и праздника, единожды.

На утрени: на Бог Господь: тропарь воскресен, дважды: Слава, святаго, аще есть. И ныне, праздника. Аще ли ни: Слава, и ныне, праздника. По кафисмах седальны воскресны, с Богородичны их. И чтение во Евангелии толковом, Неделя по Воздвижении. И непорочны с тропарь, ипакоей гласа. И чтение во Евангелии толковом, Неделя ряд. Аще ли святый иматъ полиелей, по дву кафисмах поем святаго полиелей, и по полиелеи тропарь: Ангельский собор: и ипакоей гласа, и седальны святаго вси, и

чтѣние. Степѣнны, и прокѣимен гласа, и **Всякое дыханіе**: Евангеліе воскресно, и стихѣра воскресна, и прочее воскресно. Канон воскресен со ирмосом на 4, и Богородицы на два, и праздника на 4, и святѣго на 4. Катавасія праздника. Аще имать святѣй полиелѣй или славословіе, и поѣм канон воскресен со ирмосом на 4, и праздника на 4, и святѣго на 6. По 3-й пѣсни кондак и ѣкос праздника, и святѣго, аще имать, и ѣкос, и седален святѣго. Слава, и **нѣне**, праздника. И чтѣние. По 6-й пѣсни кондак воскресен, и ѣкос, и пролог. На 9-й пѣсни поѣм **Честнейшую**: Светѣлен воскресен. Слава, святѣго, аще имать; аще ли ни: Слава, и **нѣне**, праздника. На хвалѣтех стихѣры воскресны 4, и святѣго, аще имать, подобны 3, и самогласен, ѣже на Славу, поѣм с припѣвы егѣ. Аще ли не имать святѣй хвалѣтных, и поѣм стихѣры воскресны 4, и праздника 4, того дне стихѣвныя ѹтрени, с припѣвы праздника. Слава, стихѣра евангеліская. И **нѣне**, **Преблагословѣнна еси**: Славословіе великое. И по Трисвятѣм тропарь воскресен точию. Ектеній, и отпуст. И оглашеніе, и обѣчное исхожденіе в притвѣр.

Тѣже час 1-й. На 1-м часѣ тропарь воскресен. Слава, праздника. И **нѣне**, Богородичен часѣв. По **Отче наш**: кондак праздника. Тѣкожде и в прочія часы, глаголем кондак праздника и воскресен прменяюще, аще полиелѣй, и святѣго.

На литургіи: блаженны гласа, на 6, и праздника песнь рядовая, на 4. Аще ли имать святѣй песнь, и блаженны воскресна, на 4, и праздника песнь рядовая, на 4, и святѣго песнь 6-я, на 4. По вхѣде тропарь воскресен, и праздника, тѣже храма, и святѣго, аще имать. Слава, кондак святѣго. И **нѣне**, праздника. Аще ли не имать святѣй тропаря и кондака, кондак воскресен. Слава, храма. И **нѣне**, праздника. Прокѣимен, апѣстол, аллилуія и Евангеліе Недѣли по Воздвѣженіи; тѣже святѣго, аще имать, аще ли ни, ряд. А прокѣимен гласа оставляется. Причѣстен: **Хвалѣте Господа с Небѣс**: Другій святѣго, аще имать; аще ли ни, праздника.

Святой великомученик Никита († 372), гот по происхожденію, родился в IV в., когда христіанская вера только начала распространяться за Дунаем. Готскій епископ Теофил, принимавшій участіе в I Никейском Соборѣ, просветил светом веры и крестил одного из выдающихся и знатных людей той страны — Никиту.

В те времена происходили среди готов разделеніе и вражда: язычники-варвары, раздраженные распространеніем новой веры, стали преследовать послѣдователей Христа. Одна часть готов объединилась вокруг гонителя христіан Афанариха, другая имела своим вождем некоего

Фритигерна. Произошло сраженіе, во время котораго Афанарих разбил Фритигерна, и тот был вынужден бежать в Грецію. Получив подкрепленіе от императора Валента (364–378), Фритигерн вернулся и выступил против своего соперника. Переходя через реку Дунай (ранее Истр), он приказал сделать изображеніе Креста и, нося его перед своими полками, одолел Афанариха, который едва спасся бегством с небольшой частью дружины. С тех пор христіанская вера стала быстро распространяться, так как многие язычники уверовали в силу Креста, проявившуюся в сраженіи.

Преемник епископа Феофила, епископ Ульфила (311–383), был ученым мужем и ревностным проповедником. Он изобрел и составил для готов азбуку и перевел на готский язык много священных книг. Тогда же способствовал утверждению Христовой веры и святой Никита, который был в своем народе видным и знатным вождем. Он послужил делу Христову, убеждая варваров в истинности христианства и приводя их к крещению своим собственным примером.

Спустя некоторое время Афанарих вернулся на родину с намерением отомстить христианам за свое поражение и начал преследовать их в своей области и предавать мучениям. Тогда святой Никита оказал Афанариху открытое сопротивление, обличая его в жестокости и бесчеловечности по отношению к своим единоплеменникам. Схватив святого Никиту, Афанарих различными муками принуждал его отречься от Христа, но не мог победить непреклонной твердости святого, бестрепетно переносившего все истязания за Христа Спасителя. После

пытках Афанарих приговорил святого Никиту к сожжению. Мученик был брошен в огонь и там предал свою душу Богу.

Тело святого осталось не поврежденным огнем, но Афанарих запретил предавать его погребению. Друг святого Никиты — христианин Мариан из города Мопсуестии (Киликия), тайно темной и дождливой ночью отправился искать тело мученика. Господь послал ему помощь — небесная звезда засияла над местом, где лежало тело святого Никиты. Обвив тело пеленами, Мариан унес его в свой дом и, уезжая на родину, увез с собой мощи святого. Бог послал благословение Мариану, и дом его пребывал в благополучии. Весь город собирался к дому Мариана, так как от мощей святого Никиты подавались исцеления больным. Дом Мариана не мог вместить огромное количество стекавшегося народа, поэтому решили соорудить храм во имя святого мученика Никиты и, когда он был построен, туда перенесли святые мощи. Впоследствии мощи святого Никиты были перенесены в Константинополь.

